



Ұлағатты маманның ұлы мерейтойы құтты болсын!

Жалпы, «киелі қара шаңырақ» Қазақ Ұлттық Университетінде осы оқу орнына көп еңбегін сіңіріп, университет пен факультет үшін бар күш жігерін аямай тер төккен, шынымен де «Бас маман» деген алтын атқа лайық қызметкерлеріміз көп- ақ. Солардың бірі- ұлағатты маман, өз ісінің нағыз шебері Мәдина Әбдуәлиқызы. Мәдина Әбдуәлиқызы Найманбаеваның барлық өмір жолы ҚазҰУ-мен тікелей байланысты. Еңбек жолын 1981 жылдан осы уақытқа дейін атқарып келеді.

Өзінің алғашқы еңбек жолын 1975-1981 жылдары аралығында №7 Ж.Жабаев атындағы жалпы білім беретін орта мектепте бастап, биология пәнінің мұғалім қызметін үзік әрі білікті түрде атқарды. 1981 - 1992 ж аралығында Әл-Фараби атындағы Қазақ ұлттық университетінің «Стандартизациялау және метрология» бөлімінің ғылыми-зерттеу бөлімінде кіші ғылыми қызметкер болып жұмыс істейді де, бұл қызметін де мүлтіксіз шебер орындайды. 1992-1997 ж аралығында «Жоғары математика және оқыту әдістемесі» кафедрасында аға лаборант болып қызмет атқарды. «Талантты адам сегіз қырлы, бір сырлы болады демекші» , сонымен қатар 1981-2008 жылдар аралығында ректорат бойынша кәсіподақ ұйымының төрайымы болып жұмыс жасады. 1997 - 2008 ж аралығында оқу бөліміне жетекші маман қызметіне ауысып, қазіргі кезде өз қызметін механика-математика факультетінің информатика кафедрасында атқарып келеді.

Білім қызметкерлерінің арасында кәсіби байқаулар мен іс-шараларда өз біліктілігін әрдайым көтеріп отырады. Өзінің біліктілігі мен білімділігінің арқасында факультетке барынша танымал бас маман. Әрі сонымен қатар жеткен жетістіктер мен қол жеткізген мәртебелері де аз емес.

Мәселен, Әл-Фараби атындағы Қазақ Ұлттық университетінің 50,60,70 жылдығына орай құрметті дипломмен марапатталды. Сонымен қатар 1996 ж, 2012 ж «Парасат» кәсіподақ ұйымынан «Үздік маман» сертификатына ие болды.

Әл-Фараби атындағы Қазақ Ұлттық Университетінде жұмыс істеп жүрген жылдары өзін білікті маман ретінде жан- жақты көрсете білді. Өз жұмысын жауапкершілікпен атқарады, үнемі ізденуде, студенттер мен әріптестерінің арасында сыйлы, олар үнемі Мәдина Әбдуәлиқызын адамгершілік қасиеттері жағынан да, кәсіби біліктілігі жағынан да әрдайым жақсы бағалайды. Университеттің қоғамдық жұмыстарына белсене араласып, мекеменің өрлеуіне елеулі үлесін қосып келеді.

Мәдина Әбдуәлиқызы білікті маман болумен қатар келін түсіріп, немере сүйіп отырған аяулы да, ардақты ана. Әлібек, Асылбек атты Егемен Қазақстанның тізгінін ту ететін болашақ ғалым ұлдарды тәрбиелеп отыр. Олар осы аталған университеттің механика-математика факультетін үздік бітірді. Үлкен ұлы Әлібек 2013 ж. (PhD) диссертациясын қорғады. Екінші ұлы Асылбек PhD докторантураның 2 курсы жалғастырып оқуда. Олар осы күнде тек Мәдина Әбдуәлиқызының ғана емес, барша университеттің мақтанышына айналып отыр.

Мәдина Әбдуәлиқызы білім беру саласындағы шығармашылық жұмыстары мен тәуелсіз еліміздің оқу-әдістемелік жұмысына алдағы уақытта әлі де жемісті еңбек етіп, берері көп деуге сенім мол. Себебі ұлағатты маман, өнегелі ана өзінің еңбекқорлығы мен біліктілігін бізге жан- жақты дәлелдеуде.

Әл-Фараби атындағы Қазақ ұлттық университетінің механика-математика факультетінің информатика кафедрасының ұжымы Мәдина Әбдуәлиқызын мерей тойымен шын жүректен құттықтап, зор денсаулық, еңбекте шығармашылық жетістіктер мен зор табыстар тілей отырып, өмірде де, қызметінде де, әрдайым бақытқа кене берсін, сәттілік серігі болып, жетістік жолдасы болсын, биік асуларға жете берсін деп тілек білдіреді.

механика-математика факультетінің

информатика кафедрасының

доценті Хәкімова Т.Х.